

Oqaluuserisassanut nassuiaat

(Inatsisartut Siulittaasuat)

Siunnersuuteqartoq apeqquteqaat aallaavigalugu oqallinnissamik siunnersuutimi immikkoortut 53-ip 54-illu suliarineqarnissaasa 2026-mi upernaakkut ataatsimiinnermut kinguartinneqarnissaannik qinnuteqarpoq. Immikkoortut 53 aamma 54 taamaalillutik 2026-imi upernaakkut ataatsimiinnermi oqaluuserineqartussanngorlugit kinguartinneqarput

Immikkoortup 53-ip qulequtaraa:

Meeqqanik kinguaassiuutitigut atonerluinerup annikillisarnissaa siunertaralugu meeqqanik kinguaassiuutitigut atonerluisartut sakkortunerusumik pineqaatissinneqartarnissaat aammalu meeqqanik kinguaassiuutitigut atonerluisartut pinngitsaaliissummik nakorsarneqartarnissaat annertunerusumik ukkatarineqassanersut apeqquteqaat aallaavigalugu oqallinnissamik siunnersuut. Inatsisartunut ilaasortaq Bo Martinsen, Demokraatit

Immikkoortup 54-ip qulequtaraa:

Utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat qanoq ililluta qulakkeersinnaaneripput pillugu apeqquteqaat aallaavigalugu oqallinnissamik siunnersuut.

Inatsisartunut ilaasortaq Bo Martinsen, Demokraatit

Inatsisartunut ilaasortaq Qupanuk Olsen ullumikkut 2025-ip naanissaata tungaanut Inatsisartunit sulinngiffeqarpoq. Qupanuk Olsen ullumimiit, tassa novembarip ulluisa 14-iannit, atuutilersumik qinikkatut pisussaaffigalugu atuuffimminit tunuarnissaminik, taamalu aamma Inatsisartunut qinersinermi kingullermi qinikkat nalunaarsorsimaffiannit peerneqarnissaminik, qinnuteqarpoq.

Uparuaatissaqartoqarnerluni?

Qupanuk Olsen Sisimiuni KTI-mi pisortatut suliffimmini nutaami sulilluarnissaannik kissaapparput.

Isak Johannesen Qupanuk Olsenip sulinngiffeqarneranut atatillugu sinniisussatut ataatsimiigiaqquneqarpoq. Qupanuk Olsenip Inatsisartunit tunuarneratigut Isak Johannesen taamaalilluni 2025-mi novembarip ulluisa 14-iannit Naleraq sinnerlugu Inatsisartunut aalajangersimasumik ilaasortanngorpoq.

Uku akornanni taasisarnerit pillugit isumaqatigiissuteqartoqarpoq:

Pele Broberg, Naleraq aamma Pipaluk Olsen, Demokraatit.